

UnisZA sasar emas lempar cakera

Pertaruh 15 atlet
olahraga, renang
MASUM 2018

ZUBIR SULAIMAN

KUALA TERENGGANU

Kontinjen olahraga Universiti Sultan Zainal Abidin meletakkan sandaran satu pingat emas dalam acara lempar cakera pada temasya sukan olahraga dan renang Majlis Sukan Universiti Malaysia (MASUM) yang bakal membuka tirainya pada 6 hingga 8 April di Kedah.

Ketua jurulatih lontaran, Adi Alifuddin Hussin berkata, sasaran pingat emas dalam acara itu disifatkan realistik berdasarkan prestasi terbaik atlet Muhammad Iqbal Kamaruddin yang sebelum

ini berjaya menghadiahkan kilauan emas buat UnisZA pada Kejuhan Sukan Institusi Pengajian Tinggi (SUKIPT) 2018 Februari lalu.

Menurutnya, pencapaian terbaik Muhammad Iqbal pada temasya SUKIPT dalam acara itu adalah 40.98 meter dan mengharapkan atlet bimbingannya itu mampu menyamai rekod peribadinya 41.92 meter pada temasya MASUM nanti.

"Malah kejuhan ini merupakan peluang terbaik buat Muhammad Iqbal untuk meraih pingat emas memandangkan penyandang juara, Muhammad Hafifi Najmi Ali dari Universiti Malaya (UM) kini bersama skuad kebangsaan ke temasya Sukan Komanwel 2018 di Gold Coast, Australia.

"Jadi saya harap Muhammad Iqbal dapat membuktikan sesuatu untuk menyumbangkan pingat



Prof Madya Dr. Nik Wan Omar menyerahkan bendera kontinjen kepada Muhammad Iqbal.

emas buat kontinjen Olahraga UnisZA," katanya. Beliau berkata demikian ketika ditemui selepas Majlis Penyerahan Bendera Kontinjen UnisZA yang disempurnakan oleh Timbalan Naib Canselor (Hal Ehwal Pelajar dan Alumni), Prof Madya Dr. Nik Wan Omar

sambil diiringi Pengarah Pusat Sukan dan Rekreasi UnisZA, Riduan Mohamed Arof.

Mengulas lanjut, Adi Alifuddin berkata, selain pingat emas, pihaknya turut meletakkan sasaran satu pingat perak dan gangsa pada kejuhan yang berlangsung selama tiga hari di dua lokasi berbeza di Kedah (Olahraga) dan Perlis (renang).

Beliau berkata, pada temasya MASUM kali ini, UnisZA hanya menghantar seramai 15 atlet terbaik dalam acara olahraga dan seorang atlet renang buat julung kalinya.

"Saya juga berharap kejayaan di Kedah nanti akan menjadi pembakar semangat buat saya untuk membantu Terengganu merampas kembali kejuaran Sukma musim ini," katanya.

Sementara itu, Muhammad Iqbal yang pernah meraih pingat gangsa pada temasya MASUM 2016 berazam untuk melakukan yang terbaik sekaligus memperbaiki catatan lontarannya dengan jarak 35.57 meter di Universiti Perguruan Sultan Idris (UPSI) dua tahun lalu.

Katanya, kejuhan SUKIPT dua bulan lalu juga menjadi medan pemanasan badan terbaik buatnya untuk terus menambah koleksi emas peribadinya untuk musim 2018 di Kedah nanti.

"Selain MASUM, saya juga sedang dalam persiapan untuk membawa cabaran Terengganu ke Sukan Malaysia (Sukma) di Perak.

"Saya juga berharap kejayaan di Kedah nanti akan menjadi pembakar semangat buat saya untuk membantu Terengganu merampas kembali kejuaran Sukma musim ini," katanya.